



3679

kat.komp.

III. Mag. St. Dr.


P

50c.

Una prima lectio.

Tempus

Loerya 4707. br.



BEATOS MANES

VIRI

Nobilissimi, Amplissimi atq; Gravisimi

DN. FRIDERICI RENFTELI,II,

ILLUSTRIS ILLIUS

Illustrissimi atq; Excellentissimi DOMINI,

DN. RAPHAELIS, COMITIS
DE LESZNO LESZCZINSKY,

Palatini Lenciciensis, Majoris Poloniae Generalis &c. &c.

DYNASTIAE SCHMIGELIENSIS ADMINISTRATORIS

longè meritisimi,

Cultoris quondam Montium & Fodinarum Ilkusiensium

maximè industrii,

Inq; laudabili hoc Honoris & Functionum stadiò

ANNÒ Orbis redempti M. DC. XCVI.

Ætatis autem suæ LX.

Repentinâ,

Sed

Placidâ & beatâ morte d. V. Februarii

intercepti,

&

Insequente die XIV. ejusd. Mensis

honorificis

Honorificentissimæ Sepulturæ ritibus

SCHMIGELII

condecorati,

Ultimò hoc pietatis & observantiæ officio

prosequi voluit, debuit

RENFTELIANI Nominis & Stemmatis

Solduriâ Lege

Observantissimus Cultor

CHRISTOPHORUS HENELIUS,

Scholæ Fraustad. p. t. Rector.

LESNÆ Imprim: MICHAEL BUK.



unt aliquid Manes, quanquam nihil esse
putantur

A multis; aliquid etiam sunt Somnia
nostra,

Quamvis non omni sint omnia Somnia
quiddam.

Esse tamen quiddam, nec certè fallere semper.

Eventû illa suô, verùm & prædicere vera;

Hoc fuerit pronum sanè & proclive probatû;

Liberô in Imperiô si mens quoq; libera, Lingua

Libera, si crena & vena est quoq; libera vati.

Nox erat, & tardus versabat plaustra Bootes,

Ac homines dulci perflabant ore soporem;

Cùm mihi Pieriô residere viderer in antrô,

Non procul Ascreæ quâ perfluit humor aquai,

Verba Sophoclæo gradientia ferre cothurnô,

Atq; Poëtarum calefacta refingere metris:

Pallida Mors nunquam tragicis saturanda triumphis,

Tetra videns, minitansq; caput redimita tenebris,

Nescio quem secum abductum raptumq; tenebat

Hâc de Sarmaticâ nostrâ tellure Colonum

SERMONIBUS charum, meritis virtuteq; clarum.

Ponè sequebatur Charitum lectissima Triga,

Quæ bonitate pares & semper amore fuêrunt:

Ibat & annales complens mœstissima Clio

Et seriêm texens vitæ & Virtutis Elenchum:

Ibat & in cunctis mœrens Elegia capillis

Dilaniata comas & pullô Syrmate cincta:

Ibat

Ibat & effusè flebat lacrymisq; fluebat
 Candor & Integritas, queis, dum fuit, Ille litarat
 Obstupro, ut nox me Somnusq; reliquit, & eheu!
 Seria facta quidem video mihi Somnia visa,
 Et mœrore etiam, lessû, planctûq; quiritor.
 Scilicet ante diem rumore refertur acerbô
 Supremum subiisse diem (vah tristia Fata!)
 Ac obitû placidô raptus vitalibus auris
 RENFTELIUS, noti & celebris Vir Nominis Ille,
 Vir, quô non melior, Vir dignus Nestoris annis,
 Quem meritò jam nunc doleas, Causamq; doloris
 Reliquisse Bono cuivis fatearis & Æquo.
 Gessit is incoctum generosô pectus Honestô,
 Deliciumq; fuit terræ Magnatibus olim,
 Destina deinde Suis, Urbis Pharus enthea rebus,
 Præsidium, Columen, Decus & Solamen Amicis.
 Hunc non ampla Tyche solùm decoravit abundè
 Omnigenisq; Bonis Donisq; instruxit & auxit:
 Sed Virtus etiam claris distincta Pyropis
 Nobilitare simul visa est, celôq; locare.
 Patria virtutem cognovit, & extera terra
 Mirata, & Meritis Ejus se grata fatetur
 Mirificè cultam collustratamq; fuisse:
 Utraq; commemorat in se magmenta favoris
 Plurima congesti, quin & Benefacta recenset
 Et sua percepta ex Illius Commoda Curis.
 Sensit idem Christi collecta Ecclesia crebrò:
 Per quos lecta fuit, Mystæ sensère verendi:

Sensit idem nutans Respublica, Civica sensit
Utilitas, Res priva quoq; id persensit amanter;
Ejus sensit opem, dum vixit, publicus Usus,
Et Chorus atq; Torus; quivis lætatus in Illô.
Maxima pars tamen His est propria visa manere,
Quæis datus Automedon fuerat Tiphysq; BEATUS,
Atq; præesse quidem verùm & prodesse studebat.
Sed qui magnus erat, qui commodus Omnibus antè,
Magnus & aureolus properè jam desiit esse
Et famâ plenus, meritis & plenus honore
Sarmaticas nostras terras in morte reliquit.
Morte reliquit Humum, quem tot Suspiria cordis
Vivere millecuplis precibus petière modisque;
Quem lacrymis etiam fuis retinere studebat
Nobilis illa Trias Natorum, congener Hæres
Nominis atq; simul patriæ Virtutis ad assem;
Et quem fomentis TEUPIZIA clara sategit
MATRONA auxiliô & curâ revocare fideli;
Ille obit, aut abit, ac superas evadit ad Arces,
Et nostras vanas Spes monstrat & irrita Vota.
Sic adeò non Fata Fides, non Gentis Honestas,
Non Candor, non Mens cultrix protelat Olympi!
Nec Pietas, nec sancta Themis, nec rebus agendis
Fervor in Officii commissi partibus omnis
[Primus ut ad curas, à Curis Ultimus, iret
RENFELIUS, quas Huic dabat auétrix Functio Curæ]
Imperium mortis potuère inhibere potentis.
Quid multis? Commune Bonum, commune Bo-
norum De-

Delicium, quin & Magnatum magna Voluptas,
Quod fuit Ille, quoad fuit & superavit in Orbe,
Excessit nostris oculis, amplexibus, Oris.
Hôc Unô quoniam tantum fuit ergò Theatrum
Amissum, vestras etiam hîc agnoscite partes,
Queis Phœbus dedit has ex æquô noscere, Cuncti:
Flebile supremæ pietatis munus obite,
Virtutiq; SITI dignissima solvite Justa.
Vos, inquam, tristes, adoperti tempora vittis,
Palladii ite Chori, modulatos edite Lessûs,
RENFTELIO exequias pulli, quod promeret, ite!
Ite, Urnæ lacrymas, Cineri date Lilia plena,
Atq; vovete: Levis sit Huic humus, & brevis Urna,
Afflet & usq; Crocos Ipsi, suffundat Amomum!
En Candor præit ipse, præit pia Triga Sororum
Et quæ succedunt his Numina Sancta gregatim,
RENFTELIO exequias meditantur cuncta parare.
Flent nervi, Citharæ flent omnes, Omnia lugent;
Omnia pallor habet, nigrescunt omnia planctû,
Omnia luctifonis resonant his Pegmata verbis:
O crudele nimis Fatum, Parcâq; severam,
Quæ nullis Meritis parcis, nulliq; Virorum;
Imperiôq; tuô te fortè carere putabas,
RENFTELIUM si non quoq; vi subduceres orbil
Ecquis tantarum te fidentissima rerum
SCHMIGELIUM & magnas Ædes quoq; jussit adire
Magnatis Regni nostri, Comitissq; celebris,
RENFTELIOq; tuas dextras imponere Nostro?

Jacti-

Jaëtitat in vitâ robustum Ganeo corpus,
Et vires iterum Mirmillo sæpè periclo
Objectat, salvus tamen indemnisq; recedit:
Noster at invisô tam Mortis Acore repentè
Concidit, ac Comitibus succumbit in Ædibus ipsis,
Ac priùs occumbit, quàm decubuisse feratur,
Nec desiderium nobis nisi triste relinquit?
O festina Dies, atris signanda lapillis:
O mors immitis, quæ Spes intercipis omnes!
Vellem ego: Sed reprimo me, nec tibi pluribus insto;
Præcipuè meminens ubi sum, quòd, quicquid agatur,
Non mortis lubitû, verùm statuente Jehovâ
Fiat & obtingat nobis, statuatur, agatur.
Ergò haud flere juvat, variisq; vacare Querelis,
Aut madidas fluidasq; genas discindere velle
Aut lessû planctûq; merô revocare BEATUM.
Quem Mors sæva tulit, Sors illum prospera nunquam,
Nunquam manantum lacrymarum limpidus Imber,
Vitæ huic restituet facietve, ut Spiritus ille
In Cineres redeat mutos, istosq; pererret.
Non opis est nostræ, quòd vitam hanc vivimus orbe;
Quæ datur, à Vitæ Vitâ datur, atq; vicissim,
Cum libet atq; placet, placidè refecatur ab Illâ;
Et refecatur eò, quò demum intermina prorsus
Succedant veræ & constantis Gaudia vitæ,
Lux & amœna Salus, Requies & Hygea perennis.
Quæis quia RENFELIUS Noster quoq; morte potitus,
Intendent oculos huc Nati; huc lumina vertent
Omnes

Omnes, quos arctat vel copula Sanguinis arcta,
Vel fidei innectit gluten, vel deniq; junxit
Ufus amicitiaë FUNCTO: ac hōc nomine demum
Tristitiaë finem statuent, lacrymisq; quiescent,
Ad satiem FUNUS quibus est hucusq; rigatum,
Inq; DEO solō Sortem, rem, spemq; reponent,
Qui, quod Eis rapuit, præstat vel solus & unus.
Illud ut obtineant, Ipsæ prodire videntur
Musæ iterum, finemq; suis imponere Threnis,
Atq; monere alios, modus imponatur iisdem:
Prodit & Eusebie, cui FUNCTUS corda dicârat,
Ac luctûs agmen tandem clausura profatur:

Desine tristitiaë tandem pullata caterva;

Desine mœroris; Cultor meus axe triumphat,

Omnibus exemptus, quibus orbis abundat, Acerbis!

Non nego; Talis erat, qui, si per fata stetisset,

Et Regnum hocce meum decorasset, & Urbis & Or-

Invigilaturus decori cum laude fuisset. (bis

At verò invidit vestraë hoc Decus Atropos Urbi,

Rursus & eripuit Vobis post gaudia curta.

Dum fugit Ille tamen, fugit & Mala querquera quæ-

Quæ mundo infelix portendit ab arbore bubo: (vis

E cœnō accelerat Celo, quò Luce perenni

Circumfundendus sit ibi novus Ætheris Hospes.

Quare, ô Vos Queruli, mutate in júbila planctum,

Atq; novo Civi Celorum assurgite plausu!

Vivite celesti Vitæ, Vitamq; Viamq;

Consecrate Polo, date pectora fisa Jehovæ,

Qui vestraë Sorti prudens moderabitur Idem.

Itis

Itis in exemplum? Vobis præstabit & Illud
RENFTELIUS meus hic, cujus vestigia clara,
Virtutis stadiô studiôq; relicta, decenter
Vobis atq; Bono cuiuis commendo legenda.

Dixerat: atq; statim Tumulum Cultoris adivit
Ac Urnæ talem mihi visum inscripsit Honorem:
RENFTELIUS situs hîc Lumen Columenq; Virorum,
Cujus nulla potest propè laus par laudibus esse!
Lux Is mœstorum, Gentis Decus, Urbis Asylum,
Flos & præsidium fuit Is, nulliq; secundus
Ingeniô, Virtute, Fide, Pietate, Labore.
Cui, quoniam populo mitis fuit, omnibus æquus,
Cognatis Patriæq; bonus Vir, Commodus Urbi,
Obtigit & miti ac placidâ obdormiscere morte,
Et non tam morier, quàm de Statione migrare,
Quam COMES Illustris quondam concesserat Ipsi,
Cui se, Cuiq; fidem Meus hic devoverat omnem.
At quamvis abiit, tamen haud obiisse putandus
RENFTELIUS; melior quia pars, quæ debita celis,
Vivit apud Superos, Nomen laudesq; Beati
Fama celebrat anus: namq; hæc sunt Præmia Tanti!
Et sic parta quies Defuncto deniq; vera,
Quod lætos plausûs, & júbila poscit Amantûm:
At vivis, quibus Orbis adhuc est æquor arandum,
Indulgens Numen felicia Sidera monstret,
Influxû quorum surgant & Luce perenni,
Ac tandem ad Portum faustè deducat Eosdem,
Quò nunc indubii nôrunt venisse Parentem.



Biblioteka Jagiellońska



sidr0014898

